

MERUSU MO NAGENG YA RONA: RE DIRA BOIKUELO GORE GONNE LE BOIKETLO LE TLHOMPHO YA MOLAO



Bagaetsho,

Ke kwala lekwalo le ka pelo e botlhoko le go tshwenyega thata ka maemo a a tshosang thata a tshireletsego mo dikarolong tse di fapafapaneng tsa naga ya rona. Ke matsatsi jaanong re bona bosetlhogo, go senyega ga dikago, go thubiwa ga mabenkele, le se se botlhoko go gaisa, go latlhega ga matshelo go sa tlhokafale, segolo bogolo kwa KwaZulu Natal le Gauteng.

Le fa re utlwela botlhoko batho ba le bantsi mo nageng ya rona ba ba dikobo dikhutshwane, re ka se mpampetse tlolomolao ya go thuba mabenkele le go senngwa ga dikago, seno se tlile go dira gore naga e senyegelwe ke dichelete. Ke solofela fa baagi ba metsana ya RBN ba tla ema lenna mo go kgalemeleng thata, ditiragalo tse di seng mo molaong tse, tse re sa itseng gore di bakilwe ke eng.

Ke kwala jaana, ke itumedisiwa ke gore ga gona pego ya diketsagalo tse di swabisang tse mo tulong ya rona, mme ke kopa tshegetso ya lona mo go netefatseng gore seno ga se fetoge.

Reaction Force ya Royal Bafokeng Nation (RBN) e ntshitse matlho dinameng mme e dirisana le South African Police Service, mafapha a tsa tshireletsego a meepo e e re potapotileng le dikhampani tse dingwe, le dikhampani tsa tshireletsego tse e seng tsa mmuso.

Re fitheletse pego ya gore Rustenburg Mall le Boitekong Mall, ka bobedi, di tswaletswe jaaka tsela ya go sireletsega. Re dumela fa mekgatlo ya ditekisi le yona e nyatsa maitsholo ano mme e kopa batho go tlhompha molao.

Lo kopiwa go nna kwa gae fa go kgonagala, le nne ka phuthologo lo le kelotlhoko; mme lo seke lwa itseela molao mo diatleng.

Fa o lemoga maitsholo a ntseng jaana mo metsaneng ya RBN, o kopiwa go bega seno ka potlako, jaaka tlhokaina, ka go letsetsa Reaction Force kgotsa SAPS, nako e ngwe le e ngwe

Tse ke dinomoro tse o tshwanetseng go nna le tsona ka dinako tsotlhe:

RBN Reaction Force: (014) 566 1301/2

South African Police Service: (014) 566 1700

EMRS & Fire: (014) 566 1331

Go tshosa thata gore mo nakong e re lebaganeng le ntwaga katlanong le bolwetse ba COVID-19 letsatsi le letsatsi, go be go nna le matshosetsi a mantshwa a re tshwanetseng go lebagana le ona. Ammaruri, matshosetsi a mantshwa ano a tlile go dira gore ntwaga katlanong le COVID-19 e ketefale.

Ekonomi ya rona, e e neng e sokola pele ga leroborobo la COVID-19 e tlile go sokola thata jaanong, ebile e ka iphitlhela e phuthame. Tshenyego e re e bonang ya dikgwebo le dikago tse di botlhokwa, e ka lekgangwa le dibilione tsa diranta, mme bontsi ba tsona di ka se kgone go baakanyega.

Ditiro tsa batho ba le bantsintsi le ditsela tsa go iphedisa tse di farologaneng di mo kotsing ka ntsha ya matshosetsi ano. Kgolo ya ekonomi le ntwaga katlanong le lehuma di tlile go ketefala fa matshosetsi ano a ka tswelela.

Dikakanyo le dithapelo tsa me dina le lona lotlhe. Ke kopa le itshole le sireletsegile, mme le tshegetsane.

Kgosi Leruo Tshekedi Molotlegi

“Ke kwala jaana, ke itumedisiwa ke gore ga gona pego ya diketsagalo tse di swabisang tse mo tulong ya rona, mme ke kopa tshegetso ya lona mo go netefatseng gore seno ga se fetoge.”